





省齋文彙卷第二十九

周益文忠公集二十九

行狀 神道碑

左承奉郎敷文閣主官台州崇道觀王公庭珪行狀

本貫吉州安福縣

曾祖著故不仕

祖祥故不仕

父爽故不仕

公姓王氏諱庭珪字民瞻其先太原人八世祖該避唐末亂徙居廬陵郡西六十里之何山好善樂施人號長者偽吳順義元



年龍見所居陂田間有異僧云是將為佛寺公宜北去百里遇  
三白即止子孫當繁衍且出文士長者如其言行止安成北之  
連嶺遇白馬一問其地名曰大茅白稍前曰小茅乃家焉李氏  
保大中龍復見何山遂為龍田寺今金地寺是也公之在母大  
父夢赤文旦天既寤公生人知為文字之祥矣元祐間自連嶺  
徙居邑中公時為兒童毅然有成人風年十二三刻志於學晝  
夜不息弱冠通經史百家崇寧癸未舍法取士公一試右諸生  
何損以對策貶廬陵故工部侍郎郭公孝友從之學一日聽公  
講歸以大義告損 驚曰後來之雋也明年貢辟雍時方錮史

學禁士人說詩公獨與顯莫閣直學士劉公才郡吟誦自若丁  
父憂家事一付弟姪縣榜其里曰清節未幾之產瑩上未連理  
人謂孝友所致大觀間提舉本路學事張公根欲薦以八行公  
曰此士之常乃以為異耶辭不就登政和八年第調衡州茶陵  
丞邑大俗樸公擇秀民教以學應書者歲增猾吏文雅善交結  
脅持橫甚前令丞莫敢治公獨發其姦言于郡黜徒之至今父  
老能道其事也先是湖南田賦不均茶陵尤甚富者受稅以避  
力後公與今約凡執役者一毫无所須民既不病役徐下令正  
其賦不慘者沒入之自是產與稅偕而後均矣丞舊造舡場有



部使者大怒亦會与守倅爭公濟左官來致書願交且責監司  
不能容一賢者其為名人所重如此宣和末公年未五十知事  
貼危無官游意學道著書若將終焉邑有盧溪築草堂其上鄉  
人號盧溪先生執經者屢滿戶外紹興初州賦屬邑修城期會  
迫遽公語假令黃蘗軍与民困城韋堅胡為勞人蘗告造太守  
大怒將劾蘗公謂蘗君盍輕一官全民力乎蘗即日解印綬去  
守聞愧甚為輟是役趙承相安撫江西奇蘗欲扳公固避乃已  
公雖不仕常懷憂世心事苟宜民必告于當路宣諭刘公大中  
李公案皆遣官屬咨訪利病公尽言无隱二公賴之嘗著論二

篇極言拍安大盜之害洪帥李丞相奇其說未及行而去後帥  
恭政張公守遂以遺逸薦于朝郡守右史師下車首以礼幣邀  
公虛正堂訪正事即學官聽公講經一時士大夫多為歌詩紀  
賓主之西賢也十二年令敷文直學士胡公銓以忠言忤時相  
謫嶺表親交无敢通問公獨送以詩語奇峻驚人後數年時相  
知之命師臣鞠公諤訕坐流辰州遠人素重公爭以為師武將  
馬羽攝郡事尤待公謝曰某罪人也將累公羽曰由公獲譴其  
榮多矣更遣子受業後遂登科太上更化許公自便時年幾八  
十讀書益力夜對短檠作細字率宵分乃寢今上即位有薦



公者一見 合詔略曰粹然者儒凜有直節頃以言語文字  
抵牾權臣流落排擯殆踰二紀召對便殿敷奏詳華特改左承  
奉即除國子監主簿公以年高力求退命主管台州崇道觀今  
所在州常加存問既歸滋以道誼化鄉閭无貴賤賢愚一接以  
誠平生工詩至是格力雄健興寄高遠讀書不知其齒之宿也  
心盡端莊自其天性人貴珍之乾道六年冬再召赴闕固辭上  
不聽勅守臣備舟車禮送遣仍以引道日聞踰年始對內殿特  
蠲拜跪禮賜坐勞問甚寵上欲留公：固乞歸於是制詔有司  
王某年九十餘而智識不衰行義益固錫對便坐富有嘉言其

特除直敷文閣復以崇道俸祿之加賜室香茶練皆異恩也公  
蒙犯霜雪往來數千里略无勞瘁容明年五月己丑乃得微疾  
啓手足詞色不乱則其所養可知矣享年九十有三娶同邑劉  
伯玉女前二十八年卒一男頓一女嫁將仕郎彭飛孫男二人  
詹澹皆世其業孫女二人所著書有盧溪集五十卷易解二十  
卷六經講義十卷論語講義五卷語錄五卷雜志五卷滄海遺  
珠二卷方外書十卷校字一卷鳳亭山業錄一卷公學无不通  
而尤邃於易少嘗師鄉先生張汝明晚自得於言意之表漢上  
朱先生震文定胡公安國鄉林向公子諱見其解皆歎賞以為



必傳公亦不輕示人歆歆公車會詩獄興郡守議收公理掾汪公消奮曰王君剛介勇於義一紙當招之必來他掾变色云：自請提禁卒挾巡尉捕公守唯：他掾遂行至則寃入公家公談笑就逮家四壁立惟易解鐃篋中卒疑其貨也挈以去他日公歎曰天厄吾書或謂今歲掾家云子頤卜以十年正月丙午葬公本縣清化鄉長賦之原使來速行狀將來銘於胡公惟昔伯父暨先君与公為政和戊戌進士故知公詳其再召也某適對禁中坐定上問胡銓薦詩人朱熹王某卿識之乎某既奏熹出處且公年德文章在今未易多得且登第五十三年矣上曰俟其至議明年公至上命寓直西清蓋待以卿蓋去朝礼某嘗白丞相濟公王某百年故老扶杖造朝意欲掛其冠神武門丞相能為上言俯聽所請而官其一子非美事歟丞相曰君言是也上必不為老人惜一子官明日又言之丞相曰決矣已而乃不報天其或者欲公子孫自以儒業發聞于世乎敢具列之敬俟筆削謹狀

京西北路制置安撫使孫公 昭遠 行狀

公諱昭遠字顯叔名大年改今名其先眉州眉山八世祖長孺起書樓延名士講學蜀人號書樓孫家曾祖著明贈太子少師



妣宗國太夫人樊氏祀國大夫李氏祖朴被遇仁宗叅嘉祐政事以太子少傅致事薨謚文愨葬開封子孫遂為鄭州管城人妣昌國大夫人王氏万年縣君賀氏父喆歷昌隨信陽三郡守終承議郎贈通議大夫妣碩人李氏幼警敏力學喜屬文年二十四登元祐九年進士第時策問首及熙豐主凡不新法者皆在末甲公其一也調長沙尉潭師張舜明文季氣節名天下奇公器識厚禮之教以立身行己之方丁外艱服除主興國軍永興簿徽宗初元舜民自謫籍起為諫議大夫不數日遷吏部侍郎公移書曰明公為諫臣今天下事可憂者非一不知何

所論而遷擢如此其速中外疑焉因條時事所當言者舜民以公書奏曰昭遠非獨曉臣一身進退之分凡今日急務不假臣言畧盡之矣尋辟河東經略司勾當公事易三帥皆留佐幕府陝西方用師夏人乃窺河東約防秋兵統五萬散處塞上師司奉朝命聚師命王舜臣將之虜知有備去犯它路朝廷謂不當擅追舜臣兵入塞帥范鏗從知河陽并劾主議者時同僚二人有親在公請獨坐遂克官閱四年始會赦起為鳳翔府天興縣主簿政和二年用薦者改宣德郎知亳州譙縣改同知解州安邑縣兼監池皆不赴為永興軍路安撫司勾當公事再任都大



提奉 茶司勾當公事熙河路積緡錢四十萬隨軍轉運使欲  
以便宜移用公力爭不可漕歎曰吾僚寧有若人乎未幾漕移  
帥秦鳳鄜延皆首辟公奏再上而本司於朝因是 詔茶司官  
屬它司毋得辟久之執政聞公名再召審察率以不阿附不得  
用宣和二年以朝請大夫通判滑州兵馬司吏王實結官 橫  
甚前後守臣莫敢治公一日攝行郡事適有訟寔者捕寔獄籍  
其家贓萬計杖而黥之河溢胙城逼房村埽公督役而埽欲壞  
吏卒往之潛道公不為動人以比王尊云孟昌齡鑿三山創天  
成聖功二橋而聖功隸滑秋水至橋輒壞都水監挾中貴人歲

督繫橋費不貲民破產相踵公條其可省者之滑當河衝要時  
方取燕過師无虛日而州兵九十指揮松河埽兵倍之倉廩大  
匱一日月給稍腐衆囂甚持挺逐倉官且擁太守以入人皆怙  
惧公至曉以禍福且徧開倉示之曰汝視此与給汝者果異乎  
衆帖服公乃白守治其為首者是日微公幾乱用士民舉留再  
任宣和末盜起河朔或薦公充河北山東路抚諭盜賊勾當公  
事有旨入覲就除河北燕山府路轉運副使 詔給中都錢三  
百萬緡糴米三十萬石餉燕山又許辟其屬十人非常制也數  
月余告備會孟揆以工部侍郎兼水陸轉運使自詭采米五十



萬饒新邊既不足則雜砂石其中而謂公實為之亦會同列有憾公者亟奏其事貶廣南監酒燕帥蔡靖飛章辨其枉犹降三官領舊職靖康元年召為尚書水部員外郎言者謂京師所發關陝器甲及解益鈔網皆濡滯于道命公措置燕檢催促公區處有方以時畢至即計軍器之有餘者請還之使備西邊又祖宗時解益鈔而錢止六千至是增為八千公奏曰以銀折銅錢熙寧中皮公弼之失貼納鈔而錢政和中魏伯芻之貪今復展轉估細益價益貴願從舊法朝廷皆從之虜圍太原我師多潰欽宗命折彥質乘傳招集彥質言汾州潰兵二萬過河津乞

選朝臣同陝西帥臣招集仍委官部還河東詔命公往公言軍士逃歸其氣已索理難復遣不若就令西戍猶冀有功也又諭長河安中不可不為備今所在州縣調保甲乘城其實自衛不若擇要害地使控扼不聽初公以六月使陝西以十月末還京師十一月十四日虜陷洛陽京師戒嚴西京留守西道都總管王襄移治襄漢欽宗命捧副襄者使督師陝右中書侍郎何栗以公聞特除祕閣脩撰西道副都總管與三駉帥臣序官仍許便宜從事公奉詔即以五兵三馬出西門十八日虜騎已過鄭道梗不能進乃復至京抵南門將道尉氏而都城已守禦公下



馬望闕再拜而去道招遺卒得數百人由南陽入商洛出藍田  
遂至京兆時閏十一月也制置使錢蓋遣統制官杜常夏淋將  
士數萬至京西而潰永興路安撫使范致虛自称御前合軍馬  
勤王入援所號召諸路之帥公至督其進且曰天子初命四道  
總管也兵得調發官得廢置財谷得易用忽則師緩王室今京  
師圍急且莫望救至逗遛可乎言詞慨煉聞者感動又徧檄諸  
帥使出師已而起慶帥王倚各以師來會而京原席貢秦鳳帥  
趙點鄜帥張深皆不至公二十八疏劾之合諸侯兵得十餘萬  
范致虛命馬祐統之斬杜常夏淋于華陰公與致虛同出關俄

佑昌遇虜於石壕千秋間戰敗績致虛還京兆公獨與王倚留  
俟虜併兵攻陷之時兩旬輸金帛助之河東公用其屬韓武張  
延齡計止之河池藉以募兵得精銳數千軍再振而京師陷乃  
遣使至大元帥府建炎元年五月太上皇帝即位詔公入覲公  
御下嚴整所過肅然內鄉賊尚虎擁數萬余公遇而破之見太  
上南都頓首涕泣謝奉使无狀太上慰免之除河南尹西京番  
守西道都總管悉以公所提西兵數千付御營統制官張俊止  
以屬兵數百止道七月至洛收集散亡招撫豪傑調兵陝西河  
北合義兵万余人柵伊陽使民入保會罷四道都總管以公為



京西北道制置安撫使西帥既非所隸悉引去公數以洛元城  
池而彊虜對境侵收之狀聞于朝又與諸子書曰今日扞禦甚  
難若假一歲庶或可保吾四男二女今不復念要為忠義死耳  
汝曹加意讀聖人書行古人事无以我為念十二月虜兵來攻  
公悉衆扞禦驍將姚慶戰偃帥死之公即命將官王仔等奉啓  
運諸殿神御間道走行在虜兵益熾公戰益不利而虜已破岐  
雍秦隴南侵唐鄧陳蔡潰兵滿野公猶招集之已而見公麾下  
單弱欲擁公南公罵曰若等平日衣食縣官不以此時報國今  
將何為叛兵怒起擊公遂死焉官屬從者皆死二年正月十四

日也是秋神御方至行在四年夏錄公忠義詔贈徽猷閣待制  
官其子孫三人後以二子升朝累贈左金紫光祿大夫公天資  
孝友輕財重義尤喜卹孤幼教育嫁娶使咸有立遇事剛果議  
論詳明待人以至誠未嘗附麗干進好學老而不衰與人商論  
古今及本朝故實纒々可聽晚值時艱志大而舍不副卒以身  
殉士論惜之享年五十八先娶李氏公舅女也累贈和義郡夫  
人再娶張氏戶部員外郎峒之女累贈永嘉郡夫人四子右從  
政卽監潭州南嶽廟炳文右朝奉大夫知常德府賁文右朝奉  
大夫知南雄州憲文右迪功卽右文女適右朝奉大夫前知萬



州鮮于噩右宣教郎新知通州胡倚孫男十人共懿右承議郎  
知建昌軍南城縣餘未仕女九十曾孫男女八人公既歿賁文  
崎嶇兵間訪公柩於死所赴弔者悼公之忠懷公之惠无不流  
涕是年八月殯真州之六合後八年乃克葬于婺州金華縣赤  
松鄉戴家塢予生晚不及識公南雄君以同里之故求次公事  
實甚切惟公忠節昭然足以不朽而南雄君罔墜先訓自以才  
猷發聞于世近臣數薦之所以顯揚其親者固將有在尚奚待  
予言若夫紀歲月序闕閱以備太史氏之採擇則亦不得而廢  
也

神道碑

右左朝議大夫充敷文閣待制致仕柳公約神道碑  
上即位之三年冬虜騎大入踰淮涉江蹂我二浙右丞相克以  
宣撫使護諸將畏敵不能拒擁衆北去金陵會稽皆守以迎臣  
亦愛一死不以謝 國家其餘望風震警鮮有犇問官守者故  
敷文閣待制柳公約當是時以直龍圖閣守嚴州悉力扞賊境  
內既按堵則慨然上書請糾合諸郡尅復吳會 上親筆答曰  
寇陷臨安朕方避地將士鮮復用命嘉卿請行寤寐不忘卿更  
審量事宜率士進討會虜退而止明年三月上念公之忠制詔



有司柳約當狂虜猖獗鄰邦紛擾之時力圖禦敵賊無敢犯其以約充右文殿修撰守却如故十月又詔曰軍興費出無藝吏慢弗虔柳約獨謹賦輸率先程督其進秩一等又明年三月詔曰柳約郡當虜衝而能不辭難不避事益嚴列柵保綏一方朕甚嘉之其以約充集英殿脩撰寵數便蕃度越倫輩上心犹未愜也十月遂趣公對獎勞再三擢權尚書戶部侍郎公於是感激奮厲悉力盡言凡例外宣索皆執奏不進如論吳玠等罪未正非所以厲臣節諸大將提兵入覲各名其家將有尾大不掉之患皆衆人噤莫敢發者會高麗請修貢諫遣使報聘上顧

廷臣無出公右加試戶部侍郎充選且有大有意當路忌之諷言者誣以事罷為提舉江州太平觀蓋公之出處大槩如此至紹興壬午公歿十有七年矣其仲子右散朝郎江南西路轉運判官大節以書謂某曰先人墓道斷石久矣而辭未刻子嘗列職太史氏知先人宜詳願以屬子某與轉運君同朝久詳之不可乃取公節義著於士大夫耳目者表而出之且具載天子制書所以褒表公者然後考其世次官闕而叙之按柳氏得姓於展季子孫自魯入楚其後或遷河東或徙汝潁遂仕江表至公之遠祖有自縉雲徙杭者未幾復遷嘉禾今蓋為秀之華亭人



也曾祖諱昉妣高氏祖諱昌贈特進妣華原郡夫人陳氏考諱庭俊被遇 三朝仕至述古殿學士贈開府儀同三司妣和國太夫人胡氏公字元礼登大觀三年上舍第試學官中之授霸州 學校授徒睦州入為辟廱正遷博士改宣義郎充廣親宅宗子博士公深於經術而屬辭粹微大為學者宗仰 徽宗雅欲試之命提舉福建路學士宣和三年遂召對論內外學政甚悉次之罷內外官到堂日投牒求官以厚風俗帝說諭旨除郎為權倖沮止得秘書省校書郎四年兼充編修汴都志編類官明年進著作佐郎為府監發解別試所考試官吏印武士內外

舍試卷差互坐失覺察送吏部注徽州司錄改通判宿州郡僚以事相持牢不可解公鑄曉之曰某直近 許某曲固麗于罪許且干清議柰何其人愧服勿敢爭人益知公為長者七年召拜監察御史靖康初兼權殿中侍御史嘗論三鎮不可棄改尚書工部員外郎進左司郎官丁父憂服闋以直顯謨閣充御營使司叅議官遷太常少卿己酉秋 車駕將自金陵移蹕平江公疏言兵可進毋示賊以怯九月除直龍圖閣知台州未至從嚴州兼兩浙西路兵馬都監節制管內軍馬自是遂以忠勞召用 未久而罷名稱益重雖 上亦眷公不已居七年復秘閣脩



撰會侵疆未歸起知蔡州公被命即行略无顧避意未幾虜渝  
平傳檄河南守臣皆奉城降公獨驛聞復遣使數輩乞師於武  
昌得報而後追久之用 郊恩次對敷文閣前後食祠祿者十  
二年紹興十五年秋上章告老九月二十五日以疾卒于家訃  
聞優贈四官賜恩如故事士大夫皆以不大用為公惜享年六  
十有四官自將仕郎轉至左朝議大夫累贈左宣奉大夫娶魏  
氏吏部侍郎憲之犹子早卒贈碩人三子大方右從政郎廣德  
軍廣德縣丞後公一年卒次轉運君也才自見更内外任使  
號能守其家法者次大辨右承奉郎湖廣江西京西總領司幹  
辦公事孫男女十一人公天性至孝和國病甚泣禱于天願損  
壽以益親和國尋愈其後公竟先兩月卒遺命曰述古葬臨安  
之西溪我死无他卜諸子遂以是年十二月四日亦葬公西溪  
去先塋總數里云世言儒者不適於用此殆見夫誦說章句弊  
：拘：以儒為名而无其實者尔公以待從子當承平時由文  
學自奮歷踐臺閣純明茂美不懈于位人固未知其應變如何  
一旦國步多艱於橫潰中屹保孤城悉其賦与欲獎 王室用  
能迎天之休顯著勳効及捧聘使首在選中雖過於諛其節益  
著儒者之効至是稍白夫平時號烈丈夫以剛明忠勇自任臨



事往、周章顛越廣驚鼠竄甚致毀節附賊偷生頃刻視公施  
設孰為賢否宜有聲詩以信後世其辭曰

孝移於忠 勇出於仁 古所謂儒 不在斯人

當用而迂 乃我之羞 名與實違 又儒之仇

恂、柳公 性行淋均 王室多難 其氣始振

興國太守贈太保王公綸神道碑

興國太守安陽王公既即世之三十三年當乾道四年春 上

用公之子清源公簽書樞密院事三月制詔司封按故事贈公

太子少師粵六年冬祀禮成清源公以叅知政事宜撫全蜀復

有太子太師之命明年清源公即拜樞密使恩數如宰臣又贈

公少師九年 郊霽遂贈太保 鈿軸錦韜粲其盈囊於是清源

公以趣召還朝半道上書 天子願奉外祠歸展先墓既得請

則致告焚於堂下泣而言曰予惟先烈是承有此爵位凡所以

發揚潛德振宣幽光歸備載於訓詞獨隊道之碑久而未刻小

子其何敢安乃以尚書郎陶去泰之狀來請銘按王氏望于祁

東漢名霸者號其鄉曰君子鄉自是代為士族公之遠祖始徙

常山真定以財雄北州五秀遷博平又徙相州今為安陽人也

四世祖永錫當 國初以明經起家仕至尚書主客郎中河東



運使主客生殿中丞知青州益昌縣悅清修不競鄉里復以王  
君子呼之後贈尚書禮部侍郎其葬也龍圖閣直學士趙公師  
民為之誌配張氏賈氏苑氏贈樂平廣平博平三郡太夫人生  
子五人皆舉進士時謂五龍中子東珣張出也中慶曆六年進  
士第嘗典三州年六十一即杜門不出官至朝議大夫卒年八  
十二後贈太保龍圖閣待制盛低啣實銘其墓配劉氏贈慶國  
夫人太保生同州馮翊縣令贈少師審禮即公父也母陳氏許  
氏皆贈福國夫人惟公奕世種德其施甚遠公又承祖考之休  
而避其報急國家之病而辭其祿寧羸厥躬以昌後人是名

臣為宋輔弼出入將福祿

未艾易曰積善之家必有余慶傳

曰非此其身子孫其弗信矣乎公諱絢字敏功

而穎異太保

鍾愛焉元祐八年奏為太廟齋即紹聖四年太保薨哀慕如成  
人年十六少師歿於馮翊欲歸柩安陽而力不給會部使者至

公衰絰踵門伏地號訴使者義之率州官贖其行人謂有王氏

有子夫免喪以將仕郎主大名府成安簿大觀初河北置糴使

司且鑄夾錫鐵錢都轉運使梁公子美聞公才辟監磁州裕民

第二監：兵多不逞圍諸重垣棘園之中邏卒擊柝以衛猶有

逸者會詔廢監其徒闔扉謀叛人心兌懼公梯墻入大呼曉以



福禍衆唯：聽命州上其事不報去為陳州南頓尉右史張公  
未居宛丘一見奇之授六經杜詩公自是博極群書作詩尤豪  
逸未幾許夫人疾沿檄就醫京師凡以藝名無不造焉醫感其  
誠咸願盡力而夫人竟不起公護喪雪行歸鄉終制授蔡州真  
陽令政和間推行道教青苗役法保甲市易居養安濟漏澤等  
事有司覬賞趣辨苛擾公獨以身比民未嘗咎責而事以濟上  
官交薦改宣教即知大名府宗城縣丞宣和三年四月河決息  
州魏之隄防累固都水使者欲藉以為功調急夫數萬餼薪芻  
無藝刻期增築蠶麥方登民胥怨苦公職兼埽岸部夫堤上力

言堤必不決請俟農隙使者不從公憂衆潰以便宜散遣傍邑  
從而效之使者劾其事：下府尹運使審究兩司力佑公竟得  
無他重貢宣撫幽燕凡累朝兵仗數百萬貯北京者皆取以  
實邊又調民守烽燧運金穀文書旁午動以軍法繩官吏公知  
亂將作按劾還家平墳墓鬻產業南徙蔡州族黨交誚公毅然  
不顧求知無軍之巢縣治事終累月而金人入寇衆始服公先  
見依公者相屬也靖康元年汴都戒嚴四方勤王兵過縣無虛  
日公用行營法創爰舍居之饋餉素備無秋豪擾寇閭瑾破黃  
州將掠舒蘄提點刑獄胡憲可謀於公：為草檄遣客說瑾：



即引去時群盜蜂起公策巢當江淮衝要乃環邑浚壕因土為城引焦湖水灌壕中其南以大河為固版築未合而賊李仲者號李鐵棒擁衆蟻集公率鄉丁拒守伏砲斃一騎賊怒益治攻具會 光堯登極赦三公募士持喻賊令歛兵歸 行在仲驚喜下馬拜赦連呼萬歲以書謝公遂趨南京當是時巢以東郡邑晏然賴公力為多俄劇盜張遇號一窠蜂自京東轉剽數州無敢撻其鋒既焚歷陽巢境大震公被甲督民丁乘城手發百矢不倦殺賊甚衆賊謀知南城未合潛以甲士筏湖來夾攻公力戰水濱身中數矢左右殊死鬪賊為小卻而同僚守北壁者

不能支賊遂登陴公亦創甚或挾公登小舟僅免賊歎曰吾橫行列城未嘗遇敵如此約其下毋縱火殺人留一夕過池湯聚千艘帆風上江鄂矣制置使劉公光世具以事聞因奏公節制淮西兵甲沿江捍禦已而賊復自鄂東下聞公屯北岸舟不敢泊劉公再上功 詔進秩一等監察御史寇防撫諭江淮四路又表公勞有 旨留再壽春守康允之移師浙西辟公幹辦公事建炎三年冬全虜陷秣陵 車駕幸浙東議者慮虜道寧國踰千秋嶺入於潛 詔允之捧官統民兵扼嶺下衆有難色公慨然請行且密謂允之虜勢張甚吳人豈能支若用團結義社



四萬退守富陽臨安之險令士庶散保於昌潛化聚江下之舟  
載倉庫粟帛如富陽空杭城以委之彼來無所掠止無所資欲  
濟則舟不可得又聞義社分守旁邑將畏首畏尾不暇我以銳  
師乘之或可得志此上策也允之不聽公行及餘杭有被髮南  
奔者問何人曰橘商也遇胡於溧陽我晝夜疾馳是以獲免彼  
行如鬼亦且至矣時虜知蒼樞周公望師衆十萬屯姑蘓而允  
之必阻千秋故自溧陽度獨松嶺掩我不備公急移書告允之  
幕吏猶疑不實請再遣覘者尋而游騎數百奄至北郭陳桑林  
中允之大驚出兵禦之知其果虜也皆望風潰城中遂煨燼矣

允之始悔不用公言公在千秋飭備甚至茲時乘亂相攻劫公  
往來彈壓誅其尤無良者人情以安他日州縣吏多被罪惟公  
用勞遷秩駕還會稽趙忠簡公蒼書樞密院事請置計議官四  
員專治機速賞功事首薦公為之時疆場日駭盜賊所在蟠結  
公謂宜駐蹕江寧內降群盜外臨中原失此時不為南北之勢  
分矣又上急務數條未及行而忠簡公去位公亦請外得知興  
國軍蓋四年九月也李成之叛分兵據軍治紹興元年五月趣  
公之官單車行荆棘中至累日不見人煙八月始視事賊雖去  
而官府草創豪右暴橫公竭力爬梳使詭繩墨日夜督屬令招



集耕農貸以種糧初至斗米斤鹽率直三千已而流通四歸井  
邑漸復物賈亦平二年六月詔曰王某首奉 詔令勞民不怠  
厥功茂焉可召赴都堂審察無何言者謂凋郡方倚良守胡可  
遽奪乃命遷一官任滿褒擢久之淮南潰卒踞進以千人濟江  
薄境軍無城壘廂禁兵不滿百公亟乞師於蘄州戍將李山且  
聲言悉營兵合擊進聞遁去人謂微公應變有方一邦復塗炭  
矣四年力求祠官卜居廬阜日与高僧及隱者游超然若有所  
得山中人行携酒候道左公輒与班荆劇飲年終五十賦詩  
送人赴南宮云我欲掛冠去君當衣錦還人歎公之遠而不疑  
將逝也八月十四日乃以疾卒十月一日葬南丹桂鄉栗里村  
殊原山積官右朝請大夫娶宜人韓氏陳氏皆贈福国夫人二  
子長即清源公炎今為官文殿大學士湖南安撫使次日圭終  
迪功即邵武縣主簿孫四人思牧仕郎泰世思齊承務郎思訥  
承奉郎一為僧曾孫二人伯輝承務郎伯焞未官公才雄氣豪  
身長六尺餘音吐洪暢飲酒至數斗不乱談辯哀過事迎刃輒

解

原本缺一葉



蓋偉人也中興初士習久安鮮能自奮於功名公在下位獨表  
；有聞守策功雖不終智勇已可見入浙帥幕言雖不用策慮  
則遠矣趙忠簡深知之方入相而公歿其命也夫銘曰

遠矣王宗 其未有承 如彼大川 至公方增

問其才學 允文且武 問其政事 利興弊補

士患無時 時方艱虞 公止一邦 而志弗舒

士鮮已知 知己實相 公如相避 命也奚悵

二者則然 壽疑邈綿 誰不耄老 公又無年

天於斯人 報施常必 昇公以豐 胡受也蕃



蓋身之逢

百年易終

以貽後人

奕世不窮

子既顯矣

孫亦未艾

刻銘昭之

尚勸無怠

權太常少卿贈銀青光祿大夫滕公 庾

神道碑 淳熙六年

睢陽滕子濟子端為兒童時俱負雋聲踰冠同登崇寧五年進士第相繼中詞季兼茂科政和宣和中先後入祕書省為正字為著作佐郎他人方附麗權門躡取顯宦二公獨恂自守滯留儒館泊如也 光堯皇帝吳于南京首用鄉閭之望子濟既由太常少卿綿絕 登壇盛禮仍草告天肆首之文子端旋以

博士討論典故蓋其踐歷往々同時亦或相代人號衣冠盛事會宰相惡陳歐陽徹之訐宜加以大辟子端即上疏申救且移書相府復欲面詆之為同舍郎扞上義繫藉々播紳間已而從幸廣陵子濟由左史遷中書舍人子端亦為郎文昌省攝容臺事駁々進用矣是歲十二月十八日子端遽以疾卒不二年子濟遂自諫大夫入翰林登樞府故君子於子端尤太息焉壽終四十二明年長子瑾挈柁南渡旋定于婺州金華縣北山俱胝之原至淳熙四年瑾守通州其弟琛守舒州書來言曰先人早世於今五十年賴遺訓餘澤兄弟分守兩淮銀印青綬追爵



二品惟是墓道有碑而辭未刻死且不瞑敢以為請其舊嘗讀  
公文又聞救起東徼事欣慕其高節且於二守嘗同僚同朝其  
何可辭乃序而銘之公諱庚字子端世居應天府宋城縣曾祖  
衛尉寺丞堯臣贈太子少保妣晉安郡夫人王氏信安郡夫人  
陳氏祖宣德郎公綽贈太子少傅妣魏郡夫人張氏魯郡夫人  
鄭氏父左朝請大夫知鄂州友贈太子少師妣蜀郡夫人常氏  
公少力學年十二為文瘞死禽磨瓦書之題曰雀王墓碑自是  
盃酒嬉笑率寓於文見者驚異初仕為將仕郎蔡州新息尉民  
號清和縣尉秩滿陞通仕郎調陳商水丞既中科目循文林郎

為九域圖志所編修官改宣教郎徽宗幸秘書省轉奉議郎

歷承議郎除正字九域志成轉胡奉郎駕再幸省轉朝散郎

遂佐著作進朝請郎丁內外艱建炎初元起為太常博士轉朝

奉大夫擢都官負外郎時庶事草創賞功補副尉者不可計是

非混淆公謂興復大業在信賞必罰今吏以微文沮所當得而

以賕謝予其不當得何以鼓天下忠義之氣又帖給吏手多假

託權勢取之因轉售於人冒濫滋甚於是隨事爬梳聞諸朝嚴

其籍轉朝散大夫兼權太常少卿初李丞相綱素善公其論救

東徼也當踞頗以為憾久稍諒其無他委看定四方封事公畫



夜省閱凡可行者差次潤色類以奏御欲裨助初政憊心疲積  
 失食飲節坐是致疾吏初儼乘時為姦公力疾案治之無向長  
 貳右儼管之而已公歎曰吾為即治一吏不見信况敢望協心  
 為國乎天下事略可見矣因忽々不樂以至於沒搢紳嗟惜公  
 天資明敏恢宏自信為文章立成下至書篆藝術見輒能文推  
 於仕進不汲々在館閣踰八年非旋進不至政府日抄異書以  
 廣見聞少師公与弟比登儒科坐上書入元祐黨晚御諸子甚  
 嚴公朝服受教責略無惰容脩身謹行惟恐貽親憂同公昆弟  
 姊妹十五人盡其友愛初娶常氏諫議大夫安民女追封信安

郡夫人再娶茹氏寶氏文閣直學士昌衡孫追封咸寧郡夫人  
 五子三女皆跖出琦璆早亡次通州次瑞未仕季舒州也長女  
 適右迪功即馮揆再適左奉議即駱仲舉餘不及嫁孫男七人  
 仲通仲容仲雍仲忱仲山仲恂仲宿仲容迪功即福州懷安縣  
 主簿孫女四人長女適迪功即新鎮江府司法參軍呂祖恕餘  
 尚幼銘曰 赫々 光光 龍飛宋都

雖、鴈行 漸于鄉閭 可用為儀 匪真其羽

亦有忠言 以警該輔 伯兮先登 秉國事樞

季上即潛 命也何居 天之於人 報有先後



不于其身

必蕃厥胄

是生良子

剖符相望

追爵二品

密章未央

公文可專

公行可紀

詩以聲之

公為不死

省齋文彙卷第二十九

省齋文彙卷第三十

周益文忠公集三十

神道碑二

樞密使贈金紫光祿大夫汪公澈

神道碑 船熙二年十一月

公諱澈字明遠姓汪氏系出新安南唐保大中徒饒州浮梁縣

曾祖仲宜贈太保妣徐氏衛國夫人祖叔寶贈太師惠國公妣

陳氏益國夫人考俊脩贈太師慶國公妣檀氏秦國夫人三世

皆以詩書訓子弟公生穎異幼從伯兄沆學博覽羣書尤長於

春秋登紹興八年進士第主臨江軍新喻薄從軍器少監鮑瑤



檢察荆湖軍改吉州、學教授父憂不赴服除教授衡沅二州  
万侯忠靖公謫沅知公可任重二十六年入相薦召秘書省正  
字兼實錄院檢討官遷校書郎兼國史院編脩官安分無求視  
同舍郎數遷殊不介意二十九年二月輪對論立國二道曰文  
与武宜令帥臣監司奉所部大小使臣智謀深遠可備鎮防武  
藝超絕可帥士卒者在內則侍從臺諫各薦所知務得其實、  
則精不必求多、則泛毋問小疵毋拘常制 高宗嘉納即詔  
內外薦舉武臣而擢公監察御史尋進殿中侍御史特賜鞍馬  
和戎浸久邊防懈馳公力陳養賢養民養兵及自治豫備之說

反復累數千言其他如有司毋得援例破成法併廢教坊皆自  
公發之 顯仁皇后攢宮既訖工議者欲廣四隅凡士庶墳在  
二十里內皆當選公言陰陽家說難信與 帝意合命公按視

公還奏 詔慈徽宗顯肅懿節四陵園舊占百步已數十年何  
今日為是紛、且漢長樂未央宮夾櫛里疾墓未嘗遷也唐張  
說坎其宅東北隅人謂洩王氣今就如議者言則穿穴土隴恐  
非徒無益按 國朝宮陵儀制在封侯界內不許開故合柎願  
遷出者聽其意深矣 帝大悟一切如故三十年知樞密院事  
葉公彖問使虜歸頗知入寇之謀公申言選將帥為兵備八月



遷侍御史賜緋衣銀魚時酒課虧困用不足公請戢私酤或遂  
議以贍軍庫付殿前司公言兵權利柄出於一它日將不可制  
又論鎮江大將劉寶十罪乞行誅斥又論徃歲經界法行隱瞞  
稅多諸郡經總制錢一時羨溢嗣歲即虧今乃以為額必至病  
民願詔戶部別取十年通數而用其中事皆施行當國者多過  
舉公疏罷之明年上元前一夕風雷雨雪交作春大寒有旨  
令侍從臺諫條具消弭災異之術公謂天變不虛其應在兵今  
荆襄無統督江海乏備禦凡陳十二事皆內脩外攘計會詔政  
事並用 祖宗舊制公言近歲武爵遷轉太驟請復六等檢校

官總管鈐轄諸子都監除授超躐當遴其遷於是詔兩省詳議  
其後稍復舊制云虜使高景山因賀 天申節報 欽宗升遐  
且索將相求釁公請置使江干益兵上流守淮甸備海道然後  
下哀痛之詔布告中外是月除御史中丞遣大將成閔提禁旅  
五萬屯荆襄而公遂為宣諭使大率如公前後所陳 詔書略  
曰撫勞將士體訪事宜凡其所臨如朕親幸公自以身任言責  
凡川陝江淮利害悉以聞由鄂渚歷江陵走襄陽具宣 天子  
恩意拊循諸軍勉將帥以忠義人々感激思奮時田師中戍鄂  
李道成荆吳拱以蜀兵戍襄成閔屯鄂鄂間公以師中老病劾



去之襄披城為山寨荆治水堡公曰此特自守計耳敵至當力  
戰逐北柰何坐困乎乃部分諸將乘還武昌調軍食九月虜犯  
信陽光化諸將戰却之俄虜師大至與我軍相持公乞下詔進  
討而駕幸金陵乃升閔京西河北西路招討使實聽宣諭司節  
制公欲乘元顏亮駐淮南檄諸將分兵出唐鄧陳蔡直擣京洛  
使亮復背受敵可成大功會兩淮失守驛召閔軍入援公志不  
就惟以荆襄軍當虜將劉萼十萬之衆頃之謀報虜謀自光黃  
渡江襲武昌入江西詔拱分兵還戍江岸拱即將而南公在武  
昌馳書責拱還襄陽自調鄂之餘兵悉戰艦聲言備光黃虜計

不得行拱僅抵峴首虜師掩至大戰漢水上虜衆敗走唐鄧陳  
蔡汝頰相次歸職方未幾亮死公乞出兵淮甸與荆襄軍夾擊  
其歸師未報而虜之新主罷兵請和矣三十二年春 駕留金  
陵公請奏事詔需後公復條奏宜便三月趣公朝臨安虛政府  
以待甫入對即拜叅知政事六月 內禪公與宰相陳魯公及  
二樞臣俱膺佐命之寄 壽皇既御極銳意恢復首用張忠獻  
公使江淮而命公督視荆襄軍馬將分路進討公開府襄陽遣  
趙樽守唐王宣守鄧別選偏將分據要害皇甫個擁衆萬餘柵  
陳蔡間未有屬公請賜軍號官爵果為名將初蜀師頓德順軍



為虜所圍公欲以兵助個牽制之會 上命中使梁珂齎手筆  
勞公曰卿文武兼資帷幄大臣以戰以守臨機制變公因奏虜  
方併方拒西師宜令趙搏王宣潛師襲洛仍令兩淮倚角中  
原遺民必響應一舉可定豈特解西師而已是時虜師移文江  
淮督府議和復楊言入寇 上慮公銳於進取諭 旨未宜分  
兵遠略公念襄漢宿兵饋糧艱阻昔之沃壤彌望荆榛乃与漕  
臣呂擢姚岳議因古長渠築堰通流募間民汰冗卒十人為甲  
五甲為隊三隊為屯授地給牛各有等差賦之種穀授廬合而  
薄其課秋成弟輸種餘穀官以緡錢市之畫為三十八屯規摹

詳密人方勸趨而西帥退保虜勢遂張蓋隆興元年也 宸翰

教飭脩邊備公請入奏軍事 上復遣內侍甘澤賜親札曰入

夏無虞可暫入覲仍賜金合茶藥非常典也公方歸武昌俟命

而張忠獻公先入朝密以迎降虜為名尅期大舉雖宰相亦不

与聞詔公出師應之公以前議驟變上奏曰虜自得志陝右陳

兵壓境姑遷延避盛夏將期秋冬一決和戰浚先發固善獨未

知能度彼已有必勝之策否許臣入對面論形勢詔可而我師

已踰淮公知言不用之令張公併領荆襄號令歸一俄李顯忠

師潰公遁乞奉祠除資政殿學士提舉臨安府洞霄宮言者隨



攻之落職台州居住明年冬有旨自便總兩月復端明殿學士知建康府視事於乾道元年春上浸察前謾深念公之功九月召知樞密院事遂升樞密使立恩班數並同宰臣公以南渡非舊相若官至公孤不以拜再三辭上曰卿將命馳驅綿歷為多故授此職嘗密訪人才公舉所知百餘人第其材器復于上二年引疾上固留不能奪以觀文殿學士再領洞霄鉞三月起知鄂州兼管内安撫使蓋上知公兩使荆襄有經武整軍之勲將倚規恢也繼訪公邊事公奏向者我有唐鄧為藩籬又皇甫個控阨陳蔡間虜兵不敢窺襄比既失兩郡個復內徒

虜屯新野相距百里耳臣嘗令趙樽王宣築城郭儲芻糧不備要害首尾相應有以待敵衆心乃安為今之計無以易此至於機會之來固難豫定臣職在守土不得而知也上深然之每以上流諉公議臣欲廢江州軍公力言不可而上公以和好方聖上章求歸移知寧國府便公之私四年改知福州兼本路安撫使海寇為亂公遣兵捕渠魁戮之十月得末疾再請洞霄七年遂告老上雖知公疾犹令降詔不允曲示禮意尋特轉通奉大夫許致仕八月二十三日召其子授遺奏大指而薨六十有三特贈金紫光祿大夫官其後十人積階自迪功郎至三品







復唐武舉當世稱其有王佐材由是人館閣擢右司諫言事鯁  
 挺為 仁宗所知元昊僭竊選師西邊盡瘁經營昊竟納疑召  
 拜二府值西北交爭麟府奏警自請宣撫河東陝西二虜卒不  
 敢動後歷數鎮而終本朝言文武兼資可為後世法推以為首  
 公以文正嘗守鄴陽師慕其為人故當南北交聘習講文治諱  
 言軍旋之時獨以館職為國遠慮請擇武將遂結主知歲中徧  
 歷言路出使荆襄往來指授兩路晏然及亮授首遂參大政  
 重華初元復以見執政嘗視軍馬悉其智謀方面鞏固和戎定  
 而公歸位元樞歷四鎮遭時遇 主出處本末大畧近文正然

後縉紳間皆知儒者果可用也初公薨翰林學士洪公景廬既  
 以歷官行事刻之墓嗣子棹謂其與公同朝嘗贊美 權陵之  
 議相與至厚復請碑于墓道義不可辭謹提其要而繫之以銘  
 於是公以諸子升朝累贈至太師銘曰

天生聖人

專用仁治

蠢茲儼狁

常傑以肆

念昔三代

降漢迄唐

樂天保民

運祚以長

赫、高宗

紹復大業

明、重華

虜虜繼伐

叛則征之

服則盟之

寧柳爾兵

毋殘我民

維時汪公

致位丞輔

翼贊兩朝

敵威衆附



雜耕渭上 叱田先零 氣吞幽燕 公志則然

我車既攻 我策既定 師干一試 單壺必應

有點斯虜 竊窺至仁 叩關乞和 遂許未庭

上曰歸虢 其永予弼 公曰止虢 盍均于佚

征鎮四邊 訖其外庸 或出或入 有始有終

孰不富貴 孰不更踐 有譽無疵 如公則鮮

往在慶歷 西征夏臺 倚臣曰范 迄用招徠

於穆二聖 心乎仁宗 公墓先正 幾踵其武

螭首龜趺 表于墓門 文以詩之 庸諡後昆

省齋文彙卷第三十 周益文忠公集三十

神道碑二

資政殿學士贈通奉大夫胡忠簡公神道碑

武王一戎衣而定天下應天順人之舉也義士猶或非之孔孟

奚取焉為萬世計也紹興和戎 高皇有不得已者矣 兩宮

未歸母后春秋已高故与大臣決策從權中外議論雖洵、顧

无敢極陳於 上前者獨權密院編脩官胡公銓上書數百言

援大義而伸之大略謂王倫誘致虜使欲劉豫我秦檜腹心大

臣尊 陛下為石晉孫近傳會遂叅政事願竿三人頭羈留虜



使興問罪之師時八年十一月也辛亥有旨銓書凶悖劫時其  
削籍流昭州仍降詔布告中外是日檜近皇恐待罪明日又請  
收責命不許則乞從未減十二月王倫亦再上章自歎而六曹  
長貳給舍臺諫自晏景初而下多有抹解者乃改監廣州都益  
倉明年正月宰執復奏銓書專詆臣等前和議未諧不敢問請  
以疑群心議今已定宜稍甄叙乙酉遂改簽書威武軍節度判  
官廳公事十一年六月之官十二年七月諫大夫羅汝楫劾公  
益唱前說用欺群聽復除名勒停編管新州十八年十一月郡  
守張棣奏公与客唱酬毀謗怨望移吉陽軍時大臣專國柄小  
人觀望迎合必欲置公死地賴 天子獨保全之二十五年冬  
秦丞相薨乃得歸某竊惟人臣犯顏逆耳上櫻人主之怒下為  
權臣切齒或誅或斥何可勝數未有九重特詔諭二府矯情委  
情禁近引誼抹止曾不四旬謫命三改如 朝廷此舉之盛者  
當是時一胡編脩名震天下勇者服怯者奮朝士陳剛中以言  
餞行至云屈膝請和廟堂无策張膽論事樞庭有人疑令安遠  
之死靡憾鄉人王庭珪嘗賦姦諛膽落之詩竄徙夜郎反以為  
榮下至武夫悍卒遐方裔土莫不傳誦其書樂道其姓字爭願  
識面雖北虜亦因是知中國之不可輕蓋天理所存自公遠之



人心所憤自公發之扶世垂教非 聖朝之伯夷耶孔子孟而在  
其大書而特書也必矣胡氏本金陵人五季徙廬陵公字邦衡  
曾祖璉妣康氏劉氏祖愷贈承務郎妣孺人張氏父載有氣節  
一試有司不中即棄去贈太中夫母陳氏張氏所生母曾氏俱  
贈淑人公幼不群強記博覽年二十試大學文不加黜建炎二  
年廷對行在所考官初以冠多士或畏其切直寘第五授左文  
林郎撫州軍事判官未上 隆祐太后避狄上賴狄師隨之公  
以發運司檄攝本州幕官率鄉丁佐官軍扞止第賣猶承直郎  
就權判官尋丁父憂服除与兄鑄從鄉先生蕭楚講春秋學无  
仕進意紹興五年張忠獻公都督諸路軍馬辟湖北常平茶鹽  
司幹辦公事親嫌易湖南提點刑獄司俱未行召赴堂審察七  
年兵部尚書呂祉以賢良方正薦四月賜對改左通直郎留為  
樞屬後二年赴福州終一年踰嶠又六年過海守棣驅公使步  
往又諭送吏侵公、不為動吏無所肆其毒既抵珠崖著書怡  
然不以死生介意士執經從學多可觀預貢相繼赴南宮其後  
公還朝復請五至省者許勿限年推恩自是海島頗有仕宦者  
閱七年始量移衡州又數年乃許自便三十二年 壽皇即位  
復左奉議即知饒州十二月入對乞脩德結民練兵觀虜虜上



日久聞卿直諫拜吏部尚書郎官隆興元年正月遷祕書少監  
四月擢起居郎兼侍講國史編脩官論記注不應進彙前後殿  
皆當侍立遇直前毋白閣門毋隔班次又請移都金陵時督府  
北伐克宿州大將軍李顯忠邵宏淵敗歸公勸上毋以小邨自  
沮七月旱蝗星變求直言公請勿徼福佛老躬行周宣王政事  
罰監司守令之貪殘其論納諫曰今廷臣以籍默為賢容悅為  
忠反謂臺諫論事為賣直此德宗疑姜公輔之語也馴致興元  
之幸所謂一言喪邦者上曰非卿不聞此金人再求和公曰  
虜知陛下銳意恢復故以甘言詭計欺我願絕口不言和字

上嘆其忠直侍郎王之望侍御史尹穉皆主和排張忠獻公  
廷責之聞者稱快兼權中書舍人特升同脩國史公雖與忠獻  
善及其子穉賜金紫則謂不當如待勲臣子繳奏之大上皇  
后改稱教旨為聖旨公奏大哉乾元至紇坤元令乃一之將如  
太上皇帝何上曰奉親之朕當自受十一月詔以和戎利病遣  
使可否禮文後先土彊取予大詢禁近或勸公從衆公奮曰有  
斷頭將軍無降將軍乃上奏曰京師失守自耿南仲主和靖康  
播遷自何真主和維揚失守自汪伯彥黃潛善主和完顏之變  
自秦檜主和議者乃曰外雖和內不忘戰此又向來權臣誤國



之言也一溺於和將士解体尚能戰乎執政讀之失色會中貴人推金字牌賞越舊制公索成法將論之俄與宗正少卿何備兩易其官公未出省吏白新舍人至此曰命汝取成法何遲也吏懼探懷出之公函具奏乃緘印索馬去上尋悟中傷之由諸外弗聽猶以侍講夜對上曰虜急欲和其勢甚蹙公乞力任張浚恢復可必因再求去上曰卿直諫四海所知且留經筵

事無大小皆以告朕二年二月兼權國子祭酒六月除權兵部侍郎八月上以災異避殿減膳詔廷臣言闕政急務公以振恤為先務議和為關失於是太學生七十七人同上書乞再相

陳康伯用胡某為腹心進兼侍讀虜人議國書未合或謂未節不必較公曰富弼以死爭獻納二字今欲君父卑辭下醜虜愧弼多矣上聽其言十一月以邊事改卜郊公言不可者十又大臣主和益聖公爭之力以本職措置浙西淮東海道命下即趣行時金寇深入號八十萬淮東郡縣望風退避高郵守陳敏拒之謝陽湖而大將李宝駐師江陰不肯援敏公檄宝出師宝先嘗取密詔為自安計公劾奏曰臣受詔令范榮備淮李宝備江緩急更相援今宝視敏弗救若謝陽失守大事去矣宝懼與敏倚角退虜兵時大雪河凍公親斲冰濟舟師人以用命初公



與尹樞同出使稽使浙東置家於安公使江淮蓋受敵之地携  
挈北行實安衆心言者乃併指為罪閏十一月與樞俱罷久之  
提舉江州太平興國宮軋道五年冬上語諫臣單時思得節誼  
之士時奏公中興初率卿兵邊虜事 上雅知公陳虞二丞相  
復薦之遂除集英殿脩撰起知漳州未赴六年春改泉州輒趣  
令奏事上曰毋思卿直諒今朕恢復之志已決公曰 陛下嘗  
欲移蹕金陵何為中輟 上曰以民之不易少須耳留為在京  
宮觀兼侍講閏五月除樞工部侍郎論前脩史功進官一等十  
一月真拜侍郎公言初元經筵七人老臣獨在願乞身歸田里  
上曰卿忠孝神物護持且畱觀朕恢復同載大梁或忌公敢言  
摘細故雜它朝士併撼公冀不得獨畱公自以年踰七十遂求  
致仕詔除宝文閣待制在外宮觀七年三月也未數日特畱提  
舉祐神觀侍講如故 上曰卿大節可嘉朕不忍令卿去未幾  
受 詔奉堪任刑獄錢穀及智略吏能各二人言者又謂公所  
奉非其人貶秩二等公知不容復求去進敷文閣直學士再提  
舉興國宮特許陞辭公奏願 陛下任賢黜邪理財訓兵建鯨  
恤孤必報國讐必歸陵寢必復故疆 上曰朕志也又問卿今  
何歸公曰臣向在嶺海嘗訓傳諸經今歸廬陵將成此書特賜



通天犀帶以寵之公既歸 上趣所進書遂上易春秋二礼解  
詔藏秘書省尋復元官淳熙二年 上思公不置諭大臣令進  
進賊初擬稍上時升十等遂為龍圖閣學士前此未有也 太  
上慶七十獨公以前朝龍飛甲科遷朝奉郎詞滿又納祿 上  
令因任近臣有言秦檜時臣僚被貶斥者後皆還其所歷歲月  
惟胡某為議即將四十年未嘗自列詔特予四官遂轉朝散大  
夫三年冬三納祿優詔不允四年秋秩滿特命提舉隆興府玉  
隆萬壽宮五年夏 上以公連歲納祿奉大梁同載之言諭大  
臣使留公仍進端明殿學士六年冬三省復奏公祠滿 上曰

銓雖老不衰昨去國欲它日從朕中原朕常壯其言可召歸處  
以經筵公引疾力辭因陳時病五事以劉珙張栻將死其言甚  
忠李椿鄭澹之去國論議皆有補 陛下盍念之顧何以老臣  
為 上知公不能來七年春超轉朝議大夫再食具國宮祿公  
称疾薦四月加資政殿學士致仕五月庚辰薨遺表犹欲為鬼  
痛殺賊贈通議大夫官其後三人享年七十有九初封廬陵縣  
開國男加至本郡開國侯食邑自三百戶積至一千五百戶實  
封百戶是年冬十月丙午葬于縣之儒行鄉松山原塋之右以  
子升朝遇 郊恩贈通奉大夫娶刘氏中散大夫湖南<sup>提</sup>黜刑獄



公事敏才女先公卒贈淋人五男泳承務郎監江淮總領所惠民局兼行宮雜賣場淳熙初卒官懈今為奉議郎前沿海制置司幹辦公事賜緋魚袋能世其家決承務郎瀉承奉郎冲未命天五女適從事郎道州司法叅軍嚴萬全福唐葉昌嗣上饒方自厚通直郎簽書昭信軍節度判官廳公事賜緋魚袋王宗孟將仕郎王藏孫男十六人槻承事郎辟廣南西路轉運司主管文字架文林郎監泉州市舶務棧承奉郎程杓楫耕机槻檣杓梓極檣椅女七人惟公忘身為國首倡正議人已知敬畏又年平居持論鯁挺視權貴有不善趨向有不正輒奮踊欲扼行不可得而親其寔篤厚恭寬孜孜樂善常欲以學道愛人之寔施諸有政既不大用于朝嘗二拜二千石復未及布宣于外故公之剛雖表之愈顯而其仁心則罕知者昔蘇文忠公作剛說謂夫子以剛毅巧言辯仁不仁深闢大剛則折之論由公視之其信而有証執公性孝友在海南聞母喪慟絕水漿不入口一夕須髮盡白當任子先祿兄之子歲時會聚宗族恩意周備收恤貧弱不計家之有無与朋友交情文兩尽田父野老堯兒牧夫亦接以礼得其懽心奉身儉約非賓祭食不重味間被君賜可辭則辭不可辭則以調人先疇外寸地無所增識者歎服公



聰明既絕人又能堅忍勤苦聖經賢傳晝夜繹思古文奇字悉力研究發為文章雄深雅健清新藻麗下筆輒數百言尤刻思詩騷用事深遠措辭奇崛後生效贗率次韻以酬多至百韻數十篇愈出愈工字畫端勁兼通篆隸碑版一出人爭傳玩遂於礼季能躬行之冠昏喪祭必遵古訓釋老異端一切屏棄親旧慶弔寒暑不輟自壯至老始終如一在新興名室曰澹晚號澹庵老人遂以名其集總一百卷又著易拾遺十卷書解四卷春秋集善三十卷周官解十二卷礼記解三十卷經筵二礼講義一卷奏議三卷學礼編三卷詩話二卷活國本草三卷自公之沒其子以門人今祕書監楊公萬里所狀行實來求銘某自少知慕公名得陰具初先後入兩省中間郊居從游幾十年已復遷宿玉堂凡公文行皆親薰而炙之銘其敢辭独念公官品雖未應謚而名節如此顧在隱德立罔之下耶幸從執政之後當任斯責暨尸宰事始奉明詔謚公忠簡而郡庠又以公配祠六一先生然後哀榮兩備銘公有辭矣銘曰



*[Faint bleed-through text from the reverse side of the page]*

省齋文彙卷第三十一

墓誌銘一

右迪功郎致仕劉公 若川 墓誌銘

隆興元年十二月一日廬陵鄉先生劉公卒州學校授師生員  
哭其家甚哀郡人皆歎曰善人死矣於是門生鄉貢進士田亮  
功會粹遺事屬某為之銘某之兄弟昔以童子受業公門其可  
以諱公舊名武字定功後改名若川字朝宗世為廬陵人曾祖  
海祖惟一皆不仕父陶字紹先博學有聲稱於勢利泊如也其  
詳見文人葛敏脩聖功所為銘紹先娶樂氏實生公：自幼刻



意讀書事父母盡孝待兄弟以順方三舍法行為正若錄必經  
術行藝俱優者當是時公固未老人已曰非劉公不可其後改  
科取士人又曰劉公元祐宿學也宜留為吾徒師中間預鄉薦  
可以仕矣公優游學舍不起也諸生亦謂公言行可法相与挽  
之不置蓋贊助學官表帥多士踰四十年平居與物无競休々  
然真寬厚長者人以是敬愛之若乃施口惠任心術以沽流俗  
之譽者固公所恥也家素貧學者聞其名自遠糜至賴以自給  
公損衣節食推其餘以字盲孤賙恤朋友此又人所難者紹興  
二十九年 太上皇帝慶壽于 慈寧宮凡高年以差賜爵時

公年八十七且有子奉於鄉實應詔書遂補右迪功郎致仕初  
公屢求解學職衆輒留之至是欲必去衆曰公耳目尚聰明况  
養老於學古之遺制也不聽蓋復留四年以疾卒于家公為文  
醇正淡泊如其為人有集二十卷初娶夏侯氏再娶王氏彭氏  
四子長克實通經篤行有父風次克國鄉貢進士次待問以毀  
卒次定國二女長適進士彭邦直次適進士王景先前卒孫男  
女俱九人男鄉貢進士義之暨麟之釋之涓元之揮儀之宗之  
必勝也曾孫男三人伯雄伯魚伯鳳皆業儒女二人謙者謂公  
豐積而畱取後世殆其昌乎諸孤以二年閏十一月辛酉葬公



于城西鷄家嶺與彭氏同地而異穴銘曰

九十一年不其壽子孫濟昌乃后天豈吾私躬自厚如唐  
師德藻少游無競無求以白首附郭之山長而秀公歸其宮  
且久列碑鑽石擢不朽

子柔弟墓誌銘

亡弟子柔仁而剛敬而和敏而篤學幼事母孝長從兄順與人  
交忠信廉遜其存心主於厚而自期甚遠其容貌美秀淳實善  
覲人者與談五行者負風鑒者皆曰是必貴且壽然年止三十  
三再與計偕而已嗚呼非君不幸予之不幸門戶之不幸也初

紹興庚辰春予官學省君以七月自吳門來道得小疾相見輒  
為訣語八月寢劇十一日神識湛然而逝後六年當乾道丙戌  
十二月二十八日予自上饒改葬先夫人於吉州廬陵縣高澤  
鄉長岡之麓乃祔君柩于兆域後五十步成君志也周氏世鄭  
人從吉三世夫曾祖中奉大夫諱某祖左太中大夫諱某考左  
朝請郎大學博士諱某先夫人姓王氏君既沒哀遺卓得詩文  
三卷語皆驚人使少假之年必將追騷人而與遊望聖門而力  
造肯訖是耶君名必彊子柔字也娶濟南韓氏无子予既求宗  
姓續續其祝又哭之以辭曰



嗚呼子柔今安之乎英氣凜然戢于斯乎惟顏回短命兮聖  
不幸而嗟咨如鄧攸乃无子兮信道天之難知彼一而君二  
兮雖塗之人犹涕洟况手足之痛兮慘有甚於屠封剗已而  
已而九原不可作兮誰知我悲

文士慶墓誌銘

文生安國將葬其父士慶法而謂曰安國不夭遭罹大難今歸  
窆有期敢乞銘於執事其幸賜之昔我世父辰陽公卜兆廬陵  
族葬諸喪之在江南者生首挾錦囊之術來相大事其宣力甚  
至義不可以弗從也乃以士慶之行慶之行詢于閭里皆曰其  
持身愿其濟人勇聞世有浮圖法者諸齊戒所以為善施予所  
以直福於是終身行之既得疾預知亡日告遠於常所未往屬  
纒不亂已而赴弔者咸重惜其死噫亦可以為此鄉之善人夫  
士慶字善積世居吉州廬陵縣之永和鎮享年六十有四娶劉  
氏生一男一女惟安國存焉



大主一思一女斯文似已  
 士與不壽  
 不山  
 以真  
 林良

蔡子亨墓誌銘 乾道元年

伯父沅陵公好賢喜士其規模寧與時利相反一時巨室衆方  
 慕鄉有來請交多捨去不顧即故家若寒士人所蹈藉者往往  
 察其賢延譽之仕以故弗甚顯然世言善擇交者人人推周史  
 君紹興丙寅春道袁州問州之士大夫孰可與游皆曰蔡君子  
 亨故相家也築室砲沙河上葺廢圃為園日延邦人過客飲酒  
 賦詩鼓琴彈碁於其中蓋二十年未嘗見過失是何如伯父曰  
 可也立命過蔡君蔡君出迎貌温而恭論辯而無邪視其家庭  
 肅然閱其子弟翼翼怡、爭讀書學文伯父喜曰人言果可信



時方求介婦會蔡君亦擇壻一言而兩家通婚姻如東阡北陌也歸道所以然予年尚少竊記之自是從事四方絕不與子亨相聞隆興改元秋七月歸廬陵客有斬袞偕謁入者視之子亨之子岳也予驚問來故則哭曰今年先人棄諸孤雖葬而墓碣未刻猶不葬也岳為是不敢顧几筵扶服亟來惟執事哀許予辭謝累日岳泣請益度予兄又提筆追曰趣為我具橐乃取左從政郎吉州司法叅軍魏吉甫所狀世閔行事而比次于下君名衢子亨字也興化軍仙遊人曾祖太師秦楚國公祖京太師魯國公父儵贈少保謚文簡母永寧郡夫人強氏幼以門功補承奉郎轉承事郎嘗賜紫除太府丞改直祕閣君父母皆早世能自立不為貴驕氣習在政宣間公私事一無預知故官以例遷未嘗超拜及舉族落南有司獨刊去君名則其始末可槩見矣虜之入大梁也士民挺身為難君能冒死走父母殯宮取柩南奔其後群從困窮死亡者君昔為賙給蓋藏之平生孝友類此死時年五十八正月己酉也葬以四月壬申墓在州之西平田娶洛陽王氏惠獻公化基之曾孫生四男嚳岳岡岫前死四女長壻右文林郎武安軍節度推官王注次則予兄右迪郎監潭州南嶽廟必端次進士張伯虎其一既嫁復歸孫男三人垓



地埴女三人尚幼銘曰 家昂盛或端靖名必振廢而居誰爾  
諛乃有譽銘君墓是之取 尚無斲

徽猷閣待制宋公暉墓誌銘 乾道二年

公諱暉字景晉姓宋氏其先北州大族後徙開封府祥符縣至  
公之曾祖鄭國元憲公庠以道德文章歷踐樞宰賜第咸寧坊  
官至司空薨贈太師中書令兼尚書令曾祖妣魯國太夫人胡  
氏祖均國朝散郎致仕累贈金紫光祿大夫祖妣太寧郡夫人  
陳氏父宓年朝請大夫致仕累贈銀青光祿大夫妣同安郡夫  
人張氏安康郡夫人呂氏公弱冠補太學生嘗升舍會父致仕

當補官公友愛其弟推與之政和四年別以門蔭為將仕郎調  
孟州刑掾改河北糴使司幹當公事選充大晟府修製大樂管  
幹文字以所生母令人崔氏心喪去官除服用前糴使賞改宣  
教郎為河北轉運司幹當公事提舉洛口交裝催促綱運擢尚  
書司門員外郎出為蔡河撥發宣和元年冬 徽宗召對稱旨  
命知宿州明年方臘起連陷郡縣數十羽檄調重兵擊之所過  
騷然宿為往來要衝凡軍須獨前期告辦民以不擾久之以治  
郡最一路除直祕閣四年夏童貫退師白溝公適入覲 帝命  
乘驛按之盡得其狀未幾以將作少監召賜緋衣銀魚數修積



弊多所裁革遂長監事賜服金紫六年正月遷殿中少監入謝  
帝諭以裁冗濫捉侵漁公悉意奉行一時號為稱職靖康改元  
幹離不深入道君將南幸而朝廷議狩襄鄧中外洶洶士大  
夫潛懷向背欽宗雅才公擢徽猷閣待制添差江淮荆浙等  
路制置發運使實欲調護道君行宮也人謂公曰此非臣子效  
力時却以正月三日受命而是夕龍德之駕蒼皇出通津門公  
捐家貲募兵民擊河凌通御舟遂從道君踰淮渡江是月十  
五日次京口時虜已傳京城道君命所在州止東南通角及  
上供綱運毋令虜得又高俅纔領禁衛三千留控淮津惟童貫  
將勝捷兵三千寔從會二浙勤王兵二千人過鎮江道君命  
留之疊三事而疑似之言寔聞於是有上書天子乞斬童貫  
等六人者二十八日詔聶山為發運使代公密圖之而與公在  
京差遣山行有日尚書右丞李綱言於帝曰斥貫等一詔書  
足矣投鼠不可不忌器帝曰朕意亦然罷山不遣而公以二  
月未至闕帝即詔對首問道君安否公敷奏詳明帝喜  
曰流俗紛紛朕皆不信也明日復召至延和殿授使指令奉書  
行宮公頓首曰臣備數從官蒙任使敢辭難乎顧愚慙不能道  
兩宮之情死無以塞責帝曰朕自道君在外寢食不安彼



小人何知動輒猜聞不可不慮卿頃嘗將命至春坊又久在省吾父子知卿故籍卿一行往矣道此誠意庸釋朕憂公知不可辭即奏云 階下仁孝天下所共知况臣親聞玉音敢不竭力 帝曰朝廷昨命童貫留守京師貫輒不告而去名為扈從實道爾議者屢請誅之朕以其在 道君左右第貶池州卿為我奏遣毋令舉朝尚以為言也公曰謹奉詔乃三月四日再除公發運使填高衛闕暨明日入辭 帝曰更有一事黏罕再犯澤潞朕以 道君未歸屈已懇和須其退師即遣奉迎使詣行宮問歸期不然游騎脫復渡河豈不驚動君父公曰聖慮及此可與天通非郡臣所能及也 帝目視宦者取書起立授公公退疾馳不三日至符離俄報云 道君入虹境矣公率官吏迎拜河上 道君召公登善濟舟公進書備道 上意 道君感然曰比因流言致朝廷相形迹監司州縣觀望風指往往忘慢職因條舉數十事每及一事即泣下云云公曰方都城晝閉中外隔絕雖御前號令州縣或不奉承非獨行宮也守令之舉蓋不容誅朝廷何預焉 道君意乃解公即奏臣出京時聞童貫貶池州今猶未行何也 道君曰勝捷兵隸貫未知所付公以便宜奏曰若付字文粹中而以范訥為副宜可 道君曰善召



二人使交兵明日 道君語公童貫得勝捷軍情驟罷之且生  
變柰何公曰貫平日敗壞軍政西北之人怨入骨髓今斥去乃  
所以安衆生變之語殆貫自解耳 道君輒貫行一日 道君  
復語公內禪自出我意雖皇后亦不與知况群臣皆欲保家族  
敢與此耶我纔出門姦人便欲貪功離間是無天也再及遞角  
等三事泫然曰我為國家過計爾得無以此致疑乎公曰臣造  
朝纔數日無日不召見 主上誠孝由衷思慕行於言色雖百  
小人進間言決不能入若廷臣則 陛下何恤 道君曰帝知  
我急歸否公曰 主上正以黏罕在澤潞故願 陛下少留京

口以待奉迎使與儀物借來臣固疑迴鑾太遽而敢啟也 道  
君曰兩日待說偶未暇只為無裏糧住得耳公驚曰臣雖被召  
去自有淮浙西路漕臣及發運使副在揚潤顧不能應辦和  
道君曰有一文字待付卿命左右取匣中文書來公跪讀之乃  
尚書省付知宿州林篋劄子也初州有 御前竹石錢十萬緡  
道君過州時親筆付篋取其半篋纔輸二十之一而以其事上  
尚書省尚書符宿州其以錢上京毋擅用後題正月十三日日  
下獨執政官一人簽書公讀畢奏曰 陛下在位久凡御批寶  
批及三省批旨若畫可畫聞有不作奉 聖旨付外者否 道



君曰無之公指堂帖曰此既無 聖旨二字又未嘗徧書宰執  
非朝廷意甚明殆園城中小吏作常程行遣而當筆者不察爾  
臣非敢游說以寬 聖慮也 道君視之欣然曰卿言是我未  
思此公隨事解釋大率類此 行宮次南京公以 帝命請先  
入奏 道君乃以書授公且賜手誥一通大略謂 嗣聖遣宋  
暎齋書至遂得通父子之情話言委曲坦然明白由是 西宮  
無纖毫憂疑至以公此張仲孝友公再拜跪受訖夜以小舟馳  
去比至虹橋宣召者踵來公拜至崇政殿門謁者云 上留宰  
執待君已有旨免朝見止常起居可也公及階 帝已起立連

問 道君遽歸意公不敢隱裏 糧語繼以堂帖進呈具道所以  
解釋 道君者 帝悅卿應對甚善當議褒賞公曰臣將命無  
功免責為幸賞非敢冀也還信未幾臣僚劾公奏宿州事為脅  
持離間而大臣獨書劄子者從中助之詔落職與在外宮祠言  
者不已七月再貶單州團練副使永州安置紹興元年復朝請  
大夫次年始得提舉亳州明道宮凡歷入任改提舉江州太平  
興國宮積官右朝議大夫二十七年 光堯壽聖太上皇帝眷  
懷舊事命取徽宗所賜手誥以入親為製題記數百言宣示百  
僚襲藏敷文閣又下 詔暴公之忠還其舊職歲賜藥石眷待



甚厚惜公已老無意於仕矣後四年遂納祿轉右中奉大夫是  
歲六月二十日終于正寢實紹三十一年享年七十有六訃聞  
贈右通奉大夫賻黃金百兩錄其孫三人制詞有學知守其家  
材實裕於用被遇 徽廟竭誠靖康謨訓具存忠勤可驗之語  
然則公蘊蓋雖不盡施於世亦可無憾矣公事親接物誠出於  
天性非疆勉而然幼篤志問學稍長多識名士其聞見議論皆  
有根柢晚築室章江上益以文史翰墨自娛故士大夫樂從之  
游坐客常滿公待之無戚䟽夷險一與竭盡雖遇橫逆不校也  
先娶李氏再娶張氏皆追封令二男子奇右從事郎蚤卒仲甫  
孝謹儒雅今為右承務郎充江南西路提舉常平茶鹽司幹辦  
公事二女適進士呂溥之右從事郎李耆碩孫男三人文饒文  
翁文成女適右脩職郎劉泌鄉貢進士魏好信餘尚幼曾孫曾  
老巖老女一人仲甫以是年九月二十七日葬公於州新建縣  
桃花鄉西山之麓珠陂岡之原使來求銘惟我先夫人送之自  
出棊為兒童已識公每聞其道請康間事皆可書而誦也其後  
入史院為編修官以諸家所上太書史參攷公言無不合者故  
於論次特詳焉夫其大節詳矣他固不嫌於略也銘曰

太寧之世

士趨寵榮

一蹈時艱

財謀其身



其身是謀

國於何恤

君臣父子

秦粵肥瘠

有美宋公

相門之英

騫翔禁密

日惟才臣

平居蒞官

稱職而已

逢辰之虞

惟上是使

靖康岌岌

外狝內訌

不受其躬

調護彌縫

我誰忠君

爾復醜正

衆言淆亂

盍折諸聖

聖有一言

萬世不疑

魏三朝

先後同辭

祐陵紀之

欽廟倚之

明明紹興

又增美之

孰不忠孝

孰晦而顯

天亦耆之

式燕爾晚

保有令名

言歸茲藏

載祀貌綿

靖州太守吳君順之墓誌銘 乾道四年

公諱順之字伯思其先建安人曾祖太常丞方天聖中與兄正

肅公育及京俱以文章稱同年登進士第歐陽文忠公所謂吳

氏兄弟名聞天下者也正肅以才猷議論被遇 仁宗入參大

政出殿藩輔而弟正憲公充又以嘉謀直道相 裕陵遂為

宋大家惟奉常位不滿德累贈金紫光祿大夫正肅既從其皇

考葬鄭州正憲亦葬開封於是建安之吳多占籍北方而公為

雒陽人也曾祖母隴西郡夫人李氏祖安行左朝議大夫祖母

恭人陳氏父似耀州三原縣丞累贈右銀青光祿大夫母武陵

司寇之次





原件短缺

缺14~15页



郡夫人程氏公初以祖蔭補太廟齋郎政和二年為將仕郎鳳州河池縣尉歷監楚州在城清酒務用舉者陞從政郎宿州刑曹掾吏誤入民死罪公讞正之改宣義郎知醴州武功縣未至徒宿州司曹事 欽宗登極轉宣教郎賜服朱銀靖康初添差徽猷閣待制宋暎為江淮發運使辟公幹辦公事俄省負罷遷通直郎建炎 覃恩轉奉議郎選知福州候官縣中原方拏兵盜亦起劔建間軍須急甚公應辦如無事時轉運判官魯詹等列薦于朝進承議郎以寵之州歲敷支离擾民又公帑取物無藝極公曰邑困矣願少裁其數守師不樂公遽請祠得主管江

州太平觀紹興 詔書求人材前宰相李公綱汪公伯彥皆薦公擢知梅州改連州姦吐鄧禮聚眾剽湖廣久之就降踞義丁禮仍統之常傑以肆吏官無敢究切公取尤暴戾者磔于市餘帖帖畏服連故多坑治傍郡上供銀率取給焉歲久負繁民破產莫能充公力請蠲其半免符下吏民抃躍繪像以祠秩滿主管台州崇道觀尋知汀州境素多盜戍兵驕不可倚公擇郡卒千餘晝夜閱習未幾皆可用盜以不作 郊恩賜三品服於是自承議郎積功次五遷右至朝散大夫去為郡武軍遂以右朝請大夫再知汀州未上復主管崇道觀起知復州移靖州本夷



境一語不酬輒自刃相向謂之讎殺甚則合黨群起謂之結門  
款異時守皆武臣文法濶畧公初以文臣臨之下車語寮屬曰  
蠻夷荒忽不威制則玩不靜治則擾乃大修城池集禁卒教以  
挽強徐召其酋長戒曰安爾巢穴毋犯省地犯且誅爾亦命城  
寨吏彼不始亂毋擾彼矣先是數十里間有崖頭蠻數相讎殺  
畏公威不敢動羈縻州有相率請輸丁米如近地徭人且歲時  
貢獻于朝者或謂是可通蜀道宜納之公笑曰守邊莫如安  
靜吾老矣豈紛紜以求進哉暮年公知疆場既寧則增闢學舍  
以道藝進諸生即城東葺社稷凡可以化其民者未嘗鄙夷之  
風俗寢微矣代還卜居筠州隆興元年八月甲戌以疾卒享年  
七十有六是歲十月乙酉葬于隆興府新建縣洪崖鄉招賢村  
之原公生名家通經力學蚤自植立性極孝友朝議公疾躬治  
藥餌不斯須去左右逮其卒欲以嫡孫解官行服仲父禮却之  
公曰祖喪從厚不亦可乎自言河南府竟如劉輝故事後當任  
子推以與姪若姪孫平居待人一以寬恕及在官遇事則果敢  
能斷省訟牒決疑獄吏服其精敏然聲色未嘗厲也持已尤廉  
潔公家財無私髮妄用善鈎校隱欺故所至不加賦而用足歷  
守數郡雖無赫名去必見思在仕塗久年除次補不務速化



一其初終有譽無瑕可謂難也已初配宜人陳氏翰林學士繹之孫前五十七年卒再娶宜人雷氏 國初名臣德驥之後前十年卒至是合葬招賢二子諱右文林郎蔚右從事郎皆好學有吏能一女適右從政郎梁啟孫男二人千乘千秋俱將仕郎女二人長適右廸郎朱時中次未行昔我亡姑實歸文林君故來請銘乃為銘曰

猗歎吳公園外而方中彊其志而巽其容人往而逢已緩而從不阨于窮不盡于通以卒其功以壽其躬猗歎吳公可謂有終

省齋文集卷第三十一



省齋文彙卷第三十二 周益文忠公集三十二

墓誌銘二

文林郎劉君令猷墓誌銘

紹興辛未春廬陵郡貢士對策集英者四人予與辰告劉君齒  
 齊而志合相好也既唱第予注徽掾君亦得尉外邑將同寮焉  
 未幾予易中都官而君丁外艱或合率數歲一見隆興改元予  
 自左掖奉祠埽君方築室治園圃教侍女吹竹彈絲以娛太夫  
 人予數過之相得益歎乾道三年君去佐武陵幕予計日需其  
 歸五年冬乃聞君遭母喪終旬以毀卒予哭之慟明年春諸



孤持道州永明縣主簿彭恪狀未請銘予方以使闕奏事未暇  
作也秋八月書來告曰葬期迫矣幸賜之銘意尚忍銘吾亡友  
也夫君諱令猷辰告字也其先自金陵徙家吉之太和縣曾祖  
紹不仕祖及甫贈右宣教郎考諱儼左承議郎通判德慶府號  
通明吏其卒也侍讀胡先生為誌其墓母歐陽氏君少穎悟年  
十四別駕公令東流君一試池校輒魁諸生自是益刻意問學  
文果日新初別駕年二十五由鄉舉登科君亦如之歸拜二親  
里閭嘉歎調婺源尉不克赴主贛州興國簿吏以例齎銀若干  
來迓君曰例可承邪却之或曰如他人何君悟曰簿廨寓僧坊  
三十年盍斥賣為土木費乎役遂以成後人賴之邑令同里劉  
公子昂健決能治劇得君大喜相與通譜系君悉心佐之政遂  
為一路最秩滿循左文林郎調常德府觀察惟官一府召賴他  
郡有疑事部使者必付君平決無不中理諸公文薦之湖北控  
川峽岸洞庭連辰沅號險阻荒絕沿檄者率規免惟君未嘗辭  
奔走殆無寧歲竟以此病然猶自力恐貽親憂會太夫人卒君  
病遂劇以十一月十八日亦卒享年四十四歸葬于廬陵縣連  
山桐木岡元配易氏祔實六年十月二十六日也君再娶曹氏  
慈聖光猷皇后曾姪孫易夫人生五男台孫子孫宜孫耆孫



吉孫皆力孝有父風孫男女各二人君天資孝友心計精密別  
駕平生藁施喜客家無餘貲君未冠幹蠱已有聞盡貨婦財易  
良田約用而豐施以養父之志沒庶弟諸妹昏姻無失時者經  
紀嫠婦家使其幼稚有立常產不隳人皆義之姻黨有獄吏卒  
方圍捕親屬駭散君奮身當其門衆帖帖無敢暴家貨以全其  
惡病好義大率類此嘗考試宜春江陵解進士郭昌明彭大年  
商剛中高本明年皆擢第兩邦稱為知人嗚呼君有絕人之才  
宜為世用而賦命止此予既悲而憐之且自愧昔者不能推賢  
揚善負朋友之責也故追叙情好而系之以銘曰

嗟維君

才且良

富術業

耀辭章

如用我

何不減

劔發剛

折其剛

彼蒼天

命靡常

尚無憾

嗣方昌

鄉貢進士歐陽耿仲龔墓誌銘

歐陽氏族望廬陵而家于永和鎮者尤以儒稱君友耿仲又永  
和之卓然者也憶予游場屋時耿仲已嘗舉于鄉與其仲奕叔  
弁季彛號里中四傑儁敏辯博衆屬目焉它日過其居翼翼怡  
怡有古人風予每語人是家且興其後仲叔相繼蚤世耿仲復  
屢抑於南宮遂臥末疾乾道九年二月壬辰竟不起嗚呼予識  
君兄弟緣二紀襲喪而弔者今惟季也肅然當門戶命之難謹



如此寧不歎以悲乎子扶卜以四月癸酉祔耿仲於鎮東金鳳山祖墓之次銘予責也故不辭耿仲諱余朝散郎通判澶州彙之曾孫隱君子璟之孫貢士襄之子少穎悟善屬文袖書謁御史田公如鰲許以遠器甫冠與計偕益嗜學不倦後進爭從之往往法其言行有所植立不專為科舉計也享年五十三平生喜著述數成五十卷號鳳山集娶陳氏實生扶能世其業三女通進士曾顯祖吳從義一未二孫次蘓季蘓女一人銘曰  
德焉無瑕孝焉無邪亦既振厥華謂將昌其家而止於斯吁其柰何

清遠縣令鄧君洵侯墓誌銘

乾道八年冬清遠令鄧君卒葬有日敷文閣直學士胡公大書官族蓋于其墓孤溥復來謁銘予謂得胡公書不朽矣奚以銘為溥請益堅乃為紀初終予下方君諱洵侯字元直世為吉州廬陵縣人曾祖河祖注父衍皆業儒母曾氏生四子而君為季年十五繇縣庠升泮宮試藝日有聞預宣和上舍貢靖康改元同其兄洵美邦彥汪舟與計偕而汪舟遂中第里人稱焉君既篤學且練習世故樂善喜為人監司守令爭延教子弟家永和鎮有宅一區負郭田二頃伏臘賓祭有以自足筆耕文績力也



然每上春官輒不利嘗再對策 集英殿下再納勅牒而歸

今天子即位特補將仕郎而君病矣吳興芮公燁賢者也渭嶺

表辟君廣州清遠令瓊帥復召君為屬皆不果行卒年七十六

易箚猶題詩示子孫初君以十月十九日昧明生其死也月日

時適同衆頗異之娶鄉人歐陽元老女有懿行年六十九前君

五年卒葬青石之長岡一男溥也孝而勤於孝四女嫁進士丘

大章曾高文餘大孫男三人良臣忠臣正臣女三人葬用九年

十二月辛酉其地在縣之膏澤鄉灘頭平相嶺君所自卜也銘

曰

試言于廷 不潰于成 覃慶天飛 疾窒其亨

何志之閱 而命之屯 尚崇其墳 燾後之人

承務郎胡君泳墓誌銘

君諱泳字季永吉州廬陵人曾祖愷妣張氏以百歲封孺人祖

載贈朝議大夫妣碩人陳氏張氏父澹庵先生銓以勁節危言

為國司直雖小夫賤隸椎髻卉服無不知其姓名今為龍圖閣

學士妣碩人劉氏紹興八年先生自樞掾黜佐福州幕道由姑

蘓而君生故小字蘓即六歲隨先生調新州已能背誦春秋詩

人陳元忠試之如流目為春秋生先生再貶朱厓渡海道瓊故



參知政事季公先在烏見君頴悟許妻以孫自瓊過儋耳拜獲  
文忠遺像於動鏡閣喟然興嘆年方一星終人皆異之既抵朱  
厓先生聚徒授業諸生人執一經求訓解君甫弱冠往與討論  
二十六年秦丞相死先生與李公皆內徙初秦氏揭二公及趙  
丞相姓名於格天閣趙丞相前薨至是先生賦詩有閣下大書  
三姓在海南惟見兩翁還之句君口不絕嗟先生曰孺子可教  
因授以句法三十一年春侍先生歸廬陵講道家塾兄弟怡  
如也 今上登極先生自吏部郎不逾時以左史入詞掖遂為  
兵部侍郎君日從中朝名士遊聞見浸博隆興初郊奏補右承  
務郎家居累年或勉以仕則曰吾斯之未能信乾道十七年先  
生固命君類試中之虞丞相邀與相見畧不干以松調監淮西  
江東總領所太平惠民局兼監行官雜買場先是先生得旨進  
所解易春秋及二礼君日夜編次讐校先生賴之淳熙元年春  
君當之官而不忍去親先生日吾固欲泛大江游金陵其亟具  
舟吾與尔俱君乃迎侍以行留守刘公瑛以二府重望少許可  
獨礼君厚薦之公車二年秋得寒疾逾月病益侵呻吟皆詩間  
作樂府詞旨起詣十一月庚午竟不起得年纔三十八配即李  
氏其父子孟堅終淮東提舉茶鹽生三子槐槩程又有遺腹君人



物爽邁天資孝友幼居母喪如礼事所生母袁氏盡敬學有家  
法嘗讀橫渠易至心化在熟擊節歎曰至言也請終身誦之雅  
好吟詠慕陳後山而學焉其蒙先生不鄙間許唱酬君輒用韻  
見詒語皆驚人蓋天才有過人者究其素蘊必將發聞於世一  
命而逝可哀也兄弟澥泐瀉及其孤奉先生之命卜以三年夏  
四月壬辰癸君吉水縣中鵠鄉白蓮塘之原使以妹婿業昌嗣  
之狀來請銘某按礼記延陵季子適齊而長子死葬於贏博之  
間既葬而封既封三號遂行孔子曰季子吳之習礼者也蓋言  
其在吳為習礼耳既而曰季子之於礼其合矣乎是又疑之之  
辭也周礼以長子為門子謂將代父當門者也其事重矣昔就  
其養於所居之官今返其柩於父母之邦若先生者可謂知礼  
矣銘曰

木生荆山

既厚其培

雨露濡之

庶幾條枚

飄風振林

秀者先折

夫乎柰何

尚茂來萊

朝散大夫直顯謨閣黃公墓誌銘

淳熙四年

公諱石字圮老姓黃氏世為温州平陽人曾祖遂祖嵩父理有  
声太學贈官至朝奉郎母陳氏贈宜人公幼篤學及長識慮精  
審喜論國家大利害紹興七年投匭上書言内事可治者七外



事可治者四。天子異之下其書，給舍皆謂切時可行，詔永免文解，加賜束帛。明年遂中進士第，補左迪功郎，融州觀察判官。未赴，改福州州學教授。學規素弛，公命正錄而下，各舉其職。諸生或不告，輒出。公曰：「此賊事不賊也。」盡罷之。聞李葵、李楠林之奇，為衆推服，即走其家，備禮延致。李祖故為吏，乾沒供饋，日賤公大加括責，歲輸數倍。於是增置弟子員，優給賊事以俸，而督其藝業。帥左丞業公夢得賢之，薦于朝。葉公尋奉祠闔郡，郊餞獨顧公曰：「子且顯，其白愛袖出前報，正薦章畀公，其見器如此。」秩滿，以書抵秦丞相曰：「上踐祚十九年，儲貳未立，安危所繫，孰大於此？公獨不開陳乎？不報得西外敦宗院宗李教授視事踰時，丁內艱二十二年，免喪。秦丞相尚當國，公申論前事。秦曰：『君謂某向不省耶？』面舉百餘言，而以時未可為解。復得南外宗學教授，丁父憂，不赴。服闋，沈丞相秉政，公以語秦者語沈，沈亦不能用。授建康府府學教授而去。二十九年，留守張忠定公召赴闕，公送以書，大畧言：『內則國本未定，闔寺寢昵；外則北虜懷貳，大將乏人，國用不給。』張公咨美，既入對，言儲貳尤力，適契上意，未幾遂行典禮。三十一年冬，元顏亮死，議者爭欲乘機進取，會太上皇帝視師金陵，公獨陳八事，謂宜按甲休兵，徐俟虜



變其後諸將果無功 駕還臨安公以銓格改宣教即選充諸  
王宮大小學教授 主上登極轉奉議即賜服緋銀乾道元年  
九月輪對論二事其一日舜大治而禹益儆戒無虞成王守成  
而周公作無逸真宗東封還孫籍上書勸無自滿假召試賜出  
身今南北姑和願 陛下以舜禹成王 真宗為心益自戒懼  
無或暇逸 上獎諭云卿言真致治之本其二曰儲君奉問當  
求堯舜禹湯文武之用心不當如書生分析章句締繪文辭時  
莊文太子留意於詩公故及之 上大喜曰朕固嘗以此諭太  
子卿言正與朕合退朝以章送東宮且批付中書黃某與陞擢

差遣今晚便可擬未遂除校書郎入館不試蓋異恩也十一月  
進著作佐郎二年省試初擬公點檢試卷上特陞叅詳官三月  
再對力陳正心出治之要 上曰卿言不諂旦夕別有委用四  
月兼權司封郎官十月為真仍兼司勳十一月 太上聖政書  
成以公經修進秩一尋四年夏三輪對力言 陛下為治雖勤  
而未得其要且用人當辨才與德其語益剴切十月除樞密院  
檢詳諸房文字十一月改右司員外郎廷尉讞囚有父被毆不  
死而其子託以復讐殺毆者二人朝議貸死言公父未嘗死而  
置殺人之罪他日頑民與人有仇尊父使鬪從而殺之將不可



禁如此者可召是公議五年八月進左司時公與左相善右相  
不樂也會蜀人蘓森乞用元祐黨籍恩補官右相欲與之公言  
紹興六年雖許補官尋以偽冒故八年纔免解既衝前初矣  
右相滋不悅公遂引去除直顯謨閣江東轉運副使六年行部  
值諸郡大水壞太平圩田公以其事申三省而重於再出擾人  
亟委官相視振濟且奏其施設之序三省得初報即取旨差公  
躬親按視命方下而委官之奏適至時左相已去右相劾公馳  
慢不親行降兩官罷或勸之辨公曰吾失職獲譴尚何辨聞者  
躓之六年冬主管台州崇道觀繼復元官九年八月再任崇道  
觀淳熙二年十二月六日以疾卒享年六十六積官朝散大夫  
妻宜人王氏某人之女男裳迪功郎新衢州常山尉三女長適  
林俱次適迪功郎湖州武康縣主簿毛密季適迪功郎新臨安  
府司戶叅軍林達已孫男女各一人其子卜以四年十一月壬  
申葬公某鄉某里岱山之原使來請銘某昔與公分教金陵雅  
相善故知公為詳銘曰

金華唐與政名士也知人而善評嘗謂杞老容粹而溫心和  
而平稠人廣坐語如不出諸口間發一言則辭盡而理明蓋  
靜而能謀柔而不傾學耻虛文而實用之為貴論不阿世而



君民之為心若此者可以為天子之近臣矣嗚呼是為銘

有力必陳 有言必進 國如尊安 身也何病

駕巡海隅 公撫一邦 敵愾折衝 覲其披猖

上曰忠哉 屢錫爾祖 有乖禁路 公烏是履

沃目之濤 誰復安行 不憚不辭 惟公竭誠

嗟、絕言 曾不公釋 可奪者位 莫掩者德

天子是思 起守新疆 獫狁孔熾 毀節相望

公驛而聞 上曰過返 次對西廂 始卒尊顯

誰番之年 不報事樞 考行察終 展也醇儒

我作銘詩 著其大要 既岳無窮 亦諗有廟



左朝請大夫魯公墓誌銘 乾道七年

近世有儒季起家銳意功名之士曰魯公如晦官雖不大顯于時而姓名籍：班列中始予自金陵入朝以婦家有連相好也會元顏亮將渝盟公日詣丞相府論天下事纚：不止諸公雖知其才而不能用常以是惜之其後予歸廬陵絕不相聞者累年會公弟季欽奉使江西予問如晦今何如季欽曰吾兄官游不遂退居里中無意世事矣暨予還朝則聞公屬疾未幾季欽遂以其訃來且狀家閥行事使之銘意不可辭公諱魯如晦字也先秀州嘉興人徙海鹽之武原曾祖延厚祖惟辯隱居不仕

父壽寧任右奉議郎贈右通奉大夫生六子力教以季長詹登第崇寧間中樞密院檢詳諸房文字公少尤刻若紹興五年與季欽同登進士第自是魯氏子弟競勸舉于鄉者歲增多公初調建康府溧水縣主簿帥葉公夢得材之命行江寧縣事百里以治葉公儒先吏師與公論文計事率至夜分其親厚如此俄丁外艱服除為淮西江東總領所幹辦公事分司池陽邊烽初息軍費冗濫公檢柅其姦歲者不費魏公良臣出守一見歡若平生遂通婚姻用薦者陞左從政即徙淮西茶鹽司幹辦公事兩淮惟直漕臣刑獄常平茶鹽事悉隸焉諸司有疑事輒屬公



區處無不中理舒州五邑爭承久不決公為沃之改左宣教郎  
充通州州學教授主管台州崇道觀起為淮西安撫司主管機  
宜文字帥劉綱鳩民兵十餘萬將枝數百聲隱北方贊助為多  
綱卒衆將亂公訓曉撫循一軍帖帖虜焚摧場邊民兇懼公鎮  
以以靜人為按堵入主管官告院顏亮既斃 太上視師江滸  
詔公從行兼領進奏院文書填為整暇若平時 上即位遷大  
理丞治獄明恕為時所稱公三仕于淮雅之南北形勢兵將勇  
怯至是輪對為 上極言之且請擇大將以重兵屯形勝地而  
無事則力不分有事以逸待勞此上策也 上深以為然兼戶

部右曹郎官民有詣御史府訴昏田者輒請付公皆得其情  
上方樂聞忠言詔侍從臺諫各率其屬條且弊事公言風俗未  
正紀綱未立賞罰未當語甚切至頃之請治郡潯池州隆興二  
年虜再窺邊趣公赴鎮淮人日夜南度公竭力招集治者如婦  
軍士有得信箭刻虜書云云者公笑曰此姦人規搖衆尔不為  
動闔境晏然先是請郡調丁壯防江擾甚虜師退公以便宜散  
遣朝廷咨美仍詔他郡如之清溪出城南水潦泛溢人病於涉  
唐會昌中勅史李景業始築大堤于南續長橋於北揭名通遠  
往來便之歲久侵壞公命增築新堤自城屬齊山延袤數里翼



以嘉木醲水為三道橋跨其上別揭新名迄今以為利乾道元年江浙大饑上焦勞甚遣使旁午會九華綿山竹生實饑民就食日千數公思有以寬上心具以聞而言者指為導諛非本意也坐罷郡士民懷公惠政爭挽留不置尋復主管崇道觀起知真州已而歎曰吾志大而命不副歸歟以佚吾老初公築通隱詩人何卿麒洪翰林邁王端尹十朋王司寇鉅皆賦五言以美之至是改曰遂隱自為之賦客至輒歌呼飲酒間以琴奕酣適竟日素喜釋氏書晚自謂有所悟哀樂得喪泊如也七年十一月六日以疾卒於正寢享年七十有六積官左朝請大夫

致仕娶陸氏封宜人前卒四子可簡左承議郎通判舒州可適右迪功郎嚴州司戶叅軍贈右承奉郎皆力學工辭章前卒可輔亦蚤世可復右迪功郎廣德軍德廣縣主簿濟美岳裕庶其在此二女適左奉議郎樞密院編修官孫雄飛右儒林郎監行在點檢贍軍激賞酒庫所糴場魏仲恭孫男九人珏珩羽茲所開弼翼暈女二人適右承奉郎周準右迪功郎蔡興文曾孫男三人之茂之柔之純女四人明年三月壬申葬于湖州歸安縣至孝鄉僊嶺與宜人同兆公性樂易事父母友兄弟根于誠處朋友姻戚間皆得其驩心家範整子孫率勸飭雍睦尤喜周



恤親族鄉黨義之天性嗜書少老如一所論著要以名家者為師法有文集三十卷漢紀攷異十二卷集皇朝要覽一百卷又嘗進江淮表裏圖上邊防十二事蓋將攷古驗今自見于功名惜乎弗遂也哀而系之以銘曰

人患無志不患無位患不义生功不患不成嗟吾如晦繇即而守仕非不偶踰七望八年孰非寿然而志竟鬱于初功弗究其圖已乎已乎其亦命矣夫

叔外祖奉議郎王公覺墓誌銘淳熙二年

公姓王氏其先永寧軍博野人世業儒曾祖亮中天聖進士第

以能守邊易武階至洛苑使贈右武衛將軍祖察少辭任子恩

不就韓忠獻王宣撫陝西薦其材而官之終太子左清道率府

副率贈屯衛將軍改中散大夫葬相州之安陽子孫遂為安陽

人中散長子諱復屢典名郡終供備庫使封文水縣男贈少師

次諱後中朝奉郎贈朝散大夫娶杜氏實生公公字天民宣和

五年以父任為將仕郎紹興初補迪功郎昭州司理叅軍以親

老不赴六年主洪州南昌簿秩滿丐監西京中嶽廟以便侍養

陞右從政郎調福州閩清令聰斷精審吏無敢欺洪水暴至公

禱南山水即退闔境神之去為豐城縣縣當川陸要衝素號難



治令鮮終更者公至則大治會齊述嬰贛城叛王師出征公未嘗秋毫賦民而過者必給卻使者行邑其徒隸以供張去吏請責償守驛者公獨具名物檄取之郡卒持符至怒餉謝不如欲摔吏喧庭下公杖而擊之積之事臺府外稱其正而心弗善也人往往為公懼公曰不過不吾薦取焉能害我終亦無他徙吉州太和令太和尤號難治又乘舊政廢弛公剗除蠹弊束縛奸宄声誉赫然盜自他邑未尉不能拒吏民驚避公自率衆擒之財數月丁內艱而去時二十五年也服除調衡州安仁令三十一年論太和功改右宣義郎知江州瑞昌縣轉右宣教郎仕姦植良人服其能轉右通直郎賜緋衣銀魚乾道七年通判郴州轉右奉議郎九年主管台州崇道觀淳熙二年六月卒於正寢享年六十有七娶宗室女先公二十二年卒贈孺人四男簡籌籤篆三女俱未行孫男二人泚澄女二人公天資明敏尤長於吏事使遇盤根錯節攄發游刃必將振耀一世取富貴如拾地芥而淹屈州縣汨汨以老其命也夫初公葬太宜人於撫州臨川縣靈臺鄉烏龜源遂家臨川遣命卜葬於塋側諸子乃以是歲八月二十四日襄事使未取銘公於先夫人為從叔凱風寒泉之思其何忍辭銘曰



維吏之能 以公售私 用力雖勞 人孰汝宜

公才敏明 而守堅正 寧身之詘 不撓其政

周旋五邑 民允懷之 總佐一州 奄其殆而

天賦其能 不畀以命 嗚呼柰何 尚篤餘慶

省齋文集卷第三十二終





